

ANEKS 0 FEDERACIJI

Vijeće snažno podstiče Federaciju da ubrzano riješi slijedeća pitanja:

i. Prihvati i u potpunosti implementira skorbu arbitražnu odluku Visokog predstavnika o formiranju Usore i usvajanje zakona o podijeljenim i novim općinama koji čeka na usvajanje do 31 decembra 1997; pristupi bez odlaganja drugoj fazi rada Savjetodavne komisije o općinskoj reformi u skladu sa Dogovorenim mjerama Foruma Federacije od 3. februara 1997, pridajući posebnu važnost budućoj organizaciji Travnika u skladu sa Ustavom Federacije ;

ii. Uskladiti sve kantonalne ustave sa Ustavom Bosne i Hercegovine;

iii. Raspustiti ili integrirati sve postojeće obavještajne agencije i staviti ih u nadležnost i isključivu superviziju ustavno ovlaštenih federalnih institucija;

iv. Osigurati da četiri federalna ministarstva u Mostaru u potpunosti funkcioniraju i da se periodične sjednice Kabineta koje propisuje Ustav održavaju u Mostaru od 1. februara 1998. Lokalne i kantonalne vlasti su obavezne da riješe pitanja smještaja. Međunarodna zajednica će, po preporuci Visokog predstavnika, ograničiti ili suspendirati saradnju sa onim ministarstvima koja ne ispune ovaj rok.

v. Odmah uspostaviti u potpunosti operativne i integrirane općinske i kantonalne sudove u cijeloj Federaciji i posebno usvojiti neophodne zakone za Hercegovina Neretva kanton do 31. decembra 1997.

vi. Upostaviti Gradsko vijeće Sarajeva do 31. decembra 1997 i u potpunosti implementirati Protokol od 25. oktobra 1996 i Sporazum o Sarajevu od 27. marta 1997.

vii. Osigurati da je Grad Mostar i njegova ujedinjena gradska uprava operativna u svim aspektima u skladu sa Statutom Grada. Ovo uključuje raspuštanje zajednice tri općine u Zapadnom Mostaru. Do 31. januara 1998 osigurati implementiranje sveobuhvatnog plana povratka u Mostar u skladu sa Sporazumom od 12. septembra 1997 i posebno vraćanje osoba koje su nelegalno deložirane u 1996.

viii. U potpunosti sarađivati sa ombudsmenima Federacije i primjereno odgovarati na njihove izvještaje.

ix. Osigurati da se otklone sve prepreke za inaguraciju Federalnog ministarstva unutrašnjih poslova do 31. decembra 1997.